

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 1623 del 23/06/2021

Traduzione in cimbri

Drauren pinn Zungmindarhaitn: an fintzta 24 press konferéntz vürzostèllaz

“Di zungmindarhaitn hãm vèrt: da sotziàl linguistik nàsüach vodar Universitét vo Tria” iz dar titl von earst öffentlesche trèff zo reda pinn zungmindarhaitn von Trentino, bodase bart haltn auz di lestn von prachant un iz toal vo mearare åndre trèff gehoazt “Drauren pinn zungmindarhaitn”. ’Z soinz trèff augelekk zo vorstiana pezzar di argoméntn übar ladinar, möknar un zimbar kamöüschaft, öffe alln in pürger vodar Provìntz haltante kunt ke dise argoméntn gian å garade dar Autonomì vodar Provìntz. An fintzta atz 24 von prachant di 11.00 ditza bar khemmen vürgelekk in a press konferéntz bodase bart khemmen gemacht in Sala Belli un gètt durch Facebook o aftz disan link:

<https://www.facebook.com/provincia.autonoma.trento/>.

’Z bartnda ren dar provintziàl konsildjiar un vitzevorsitzar von redjonàl Rat Luca Guglielmi, berda vürvüart in Dianst vor di Zungmindarhaitn un européan Audit vodar Provìntz Giuliana Cristoforetti, di profesören vo djeneràl Linguistik von Dipartimént “Lettere e Filosofia” vodar Universitét vo Tria boda iz någestànt in prodjèkt CLAM 2021 Patrizia Cordin un dar profesór vo fólklingsitk un djeneràl linguistik von Dipartimént “Scienze Umane per la formazione “Riccardo Massa” vodar Universitét Milano Bicocca Gabriele Iannaccaro. An lestn barta soinz dar gruaz von Vorsitzar vodar autonóme Provìntz vo Tria Maurizio Fugatti.

Berda bill nemmen toal mochtze innschraim vor di 19.00 von mitta 23 prachan schraibante a mail aft:
uff.stampa@provincia.tn.it

Übersetzt von Schaltarle vor di zung von Toalkamou vodar Zimbar Hoachebene
(Traduzione a cura dello Sportello linguistico della Magnifica Comunità degli Altipiani Cimbri)

(cdt)